



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

Domus sapientiæ. 26

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

DOMVS SAPIENTIAE.

Hæc propter Verbi inhabitationem cum carne suscepti dicitur Domus, quam sapientia ædificauit sibi, in qua excidit columnas septem, immolauit victimas suas; miscuit vinum, & proposuit mensam Proverb. 9. De Deipara enim id explicat Ildesonsus ser. 3. de Assumpt. & Bernardus sermone 9. ex paruis. *Quid est, inquit, in ea septem columnas excidere, nisi ipsam sibi dignum Habitaculum fide, & operibus preparare.* Petrus Damianus sermone de Natiuitate similiter de Virgine exponit, quam dicit esse Domum columnis septem sustentatam, septem scilicet donis Spiritus sancti dotatam. Hieronymus in Isa. 3. & lib. contra Heluidium, vterum Deiparæ vocat sacri ventris hospitium, cuius nouem mensibus habitator fuit Iesus Andreas Cretensis orat, in salutatione Angel. consecratum vocat Regis Palatium, vnicum illius, qui nusquam capitur, habitaculum. Georgius Nicom. orat. de oblat. Domum gloriosam vocat. Similiter Bonauentura in speculo c. 8. de ea vult dici psalm. 92. *Domum tuam decet sanctitudo Domine.* Et Patriarcha Iacob. Genes. 28. de eadem pronunciauit: *Non est hic aliud, nisi Domus Dei, & Porta Cæli, de quo nos fatus c. 7.* Ad hanc domum in monte Domini, atque ad eam ab omni fluuio- rum inundatione, & hostium incursione tutam nos inuicem inuitare debemus iuxta illud Isa. 2. *Venite, & ascendamus ad montem Domini, & ad Domum Dei Iacob:* de qua Domo pulchre Ezech. 43. *Hæc est lex Domus in summitate montis, omnis finis eius in circuitu sanctum sanctorum est;* omnia enim Virginis sanctissima sunt, quod vberius cap. 7. ostendimus. Nec illud prætereundum, quod Bonauentura docet in speculo cap. 6. agens quo modo per Virginis preces ad septem Spiritus sancti dona, quibus hæc Domus fulcitur aspirare possimus; sic enim ait: *Spiritus sanctus Mariam per Domum conuenientissimè signauit, quam sibi sapientia increata cum septem columnis septem donorum Spiritus sancti excellentissimè ædificauit.* Quisq; ergo columnas Spiritus S. ceperit desiderare, ipse formam colunarum in ista Domo poseri inuenire, quæ pro columnis huiusmodi debet cum magnis desiderijs, & precibus conuenire. Similiter quicumque septiformem Spiritus S. gratiam adipisci desiderat, ipse florem Spiritus S. in virga querat; Per virgam enim ad florē, per florē ad spiritum in ipso requiescentem peruenimus. Per Mariam ad

Christum accedimus, & per Christum gratiam Spiritus sancti inuenimus, propter quod ben. Mariam alloquens B. Bernardus, ait, *Per te accessum habeamus ad filium, & benedicta inuentrix gratia, Genitrix vita, Mater salutis, ut per te suscipiamus nos, qui per te datus est nobis.* huculque Bonauentura.

27 Eadem Virgo sanctissima ob eximium puritatis candorem, & insignem virtutum soliditatem ac pretium inæstimabile ab omnium asperitate, & obscuritate tersum, atq; politum psal. 44. sub domorum eburnearum nomine exprimitur, à quibus prodierunt vestimenta Messæ, id est sacratissima Christi humanitas vestimenti nomine significata, vt videre est Isa. 63. illis verbis: *Quare rubrum est indumentum tuum?* vt Tertullianus exponit lib. 4. contra Marcionem, & apud Apostolum Philip. 2. *Habitu inuentus vt homo:* habitum enim hic significare vestimentum docet Augustinus lib. 83. quaest. 73. quod plenius cap. 8. ostendimus. Hæc (inquam) Christi humanitas sub vestis metaphorâ omnium gratiarum virtutumque præstantia, quasi pretiosorum aromatum odore redolens ex Virgine est deprompta, ait enim David in spiritu ad Christum; *Myrrha, & gutta, & castia à vestimentis tuis à domibus Eburneis, quare mirum non est, si hæc vestimenta ita sua uolentia domibus eburneis, id est Virgini, à qua sunt desumpta, & in quam diu fuerit reposita, tantam omnium virtutum fragrantiam impertierint.* illud quoque quod sequitur: *Ex quibus (nimirum domibus eburneis) delectauerunt te filia Regum in honore tuo;* optimè ijs, quæ de Virgine dicimus, congruunt: quasi dicat; Animas fideles, præferim Virgines, per filias Regum significatas, in his domibus, hoc est sub exemplo, & patrocinio Deiparæ degentes, delectatione, ac voluntate castissima ipsi Messæ placituras, in eius honorem sua omnia dirigentes. De magnitudine porro huius Domus. Methodius oratione in hypapante cum Virgine loquens: *Celeberrimè,* inquit, *Propheta nos erudiens, quam prorsus sus incomprehensibilis, ait: Quam magna est Domus Dei, & ingens locus habitationis eius; magnus, & non habet finem; excelsus, & immensus.* hæc ille.

AULA DEI.

28 **H**æc est Aula Dei amplissima, de qua Ecclesia: *Deus, qui virginalem Aulam Dei Beata*

Bernard

Domus eburnea Maria.

Isa. 63. Tertull.

Philip. 2. Augustin. Cap. 8.

Psalm. 41

Method. Barnab.

Virgo dicitur Aula Dei Beata